



Terms & Conditions

A'legria, Vereniging Carnival Kingdom

Artikulo 1 | Fundashon

Vereniging Carnival Kingdom, desde aki konosi komo "CK", ta un fundashon konsistiendo di 3 miembro den maneho. E maneho aki lo karga e grupo "A'legria" durante e parada di Karneval di Kòrsou. CK ta un fundashon registrá na Kòrsou, ku un kuenta di banko na Maduro & Curiel's Bank N.V., desde aki konosi komo "MCB", via kual tur transaction finansiero lo tuma lugá. Un biaha pa aña, CK ta reuni pa asina diskuti e plan pa e próksimo karneval.

Informashon Bankario

Maduro & Curiel's Bank N.V.

Nòmber di Kompania: Vereniging Carnival Kingdom

Adrès: Fensohnstraat 22

Number di Kuenta: 33851901

Artikulo 2 | Miembresia i Registrashon

Un registrante ta keda konsiderá un miembro di Grupo A'legria na momento ku:

- E registrante tin 18 aña òf mas na momento ku Karneval 2026 ta tuma lugá.
- E registrante ta kompleta e inskripsjon i ta risibi su faktura pa medio di e-mail.
- E registrante ta paga su "downpayment" pa medio di A'legria su kuenta di MCB.
- E registrante ta kompleta su pago kompleto promé ku 20 di Desèmber 2025

Maneho di CK lo repasa tur aplikashon i tuma un desishon final riba kada miembresia. Komo registrante, bo ta aplika pa e próksimo parada di Karneval. Bo partisipashon no por keda transferí pa un próksimo aña. Un miembro ku skohe pa kansela su registrashon lo keda poné riba un lista di espera, i lo por re-aplika komo miembro si tin lugá ahinda na e momento ei. Un lugá nò ta garantisá.

Miembresia por keda terminá pa medio di e siguiente sirkumstansia nan:

- Malesa serio di un miembro (ta rekeri karta di dòkter)
- Faysimentu di un miembro
- Faysimentu di un famia di promé òf segundo grado (ta rekeri prueba)
- Miembro no ta kumpli ku termino di pago
- Miembro no ta komporta promé ku òf durante di marcha di Karneval
- Miembro no ta sigui regla di grupo i a risibi diferente "waarschuwing"
- Miembro ta komporta di forma ofensivo i sin respèt
- Miembro ta hasi uso di droga òf otro supstansia ilegal promé ku òf durante di marcha
- Miembro ta hasi kambio na trahe sin aprobashon di maneho di CK

Maneho di CK tin e derecho pa kansela un miembresia si e miembro ta musta di por hasi daño na e grupo i òf otro partisipante. Un miembro ku su registrashon keda kanselá pa medio di maneho di CK, lo nò risibi sèn bèk, i lo no por re-aplika den futuro. Maneho di CK tin e derecho pa tin último palabra.



Si un miembro skohe pa kansela su partisipashon sin un rason bálido, nò ta posibel pa risibi sèn bèk. Si un miembro skohe pa kansela su partisipashon ku un motibu bálido (menshona ariba) promé ku 20 di Desèmber 2025, e miembro por risibi 50% di tur pago hasí bèk. Si kansela partisipashon despues di 20 di Desèmber 2025, e miembro por risibi 25% di tur pago hasí bèk.

Artikulo 3 | Kontribushon di Partisipante

E opshon nan i preis pa partisipashon den Karnaval 2026 ta:

- NAZAR FORCE | XCG 1450,-
- AZURE GAZE | XCG 1650,-
- EYE OF GLARE | XCG 1850,-
- BUILD YOUR OWN | XCG 2000,-

**Build your own ta posibel solamente ku aprobashon di e diseño pa medio di maneho di CK.
E trahe mester ta den tema di e grupo.*

Pa partisipa den grupo A'legria 2026, ta rekeri un "downpayment" di XCG 250 pa garantisá e spòt, i despues por hasi pago sigun e termino nan stipulá abou.

Section	Down-Payment	Month 1 31 Aug	Month 2 30 Sep	Month 3 31 Oct	Month 4 30 Nov	Month 5 20 Dec
NAZAR FORCE XCG 1450	XCG 250	XCG 240	XCG 240	XCG 240	XCG 240	XCG 240
AZURE GAZE XCG 1650	XCG 250	XCG 280	XCG 280	XCG 280	XCG 280	XCG 280
EYE OF GLARE XCG 1850	XCG 250	XCG 320	XCG 320	XCG 320	XCG 320	XCG 320
BUILD YOUR OWN XCG 2000	XCG 250	XCG 350	XCG 350	XCG 350	XCG 350	XCG 350

Si keda sin kompleta e pago nan manera debe ser, e partisipashon di e miembro por keda kanselá, sin e oportunidat pa debolbi e sèn ku a paga kaba. Si durante e periodo di preparashon (Aug pa Des), no kumpli ku pago, e miembro lo risibi un "waarschuwing". Si despues di esaki ahinda no hasi pago, CK lo stòp e produkshon di e trahe te na momento ku e miembro ta kontinua ku su pago. Si e miembro konsistentemente no ta kumpli ku pago, CK tin derechi pa kansela e miembresia i duna un otro miembro e spòt.

Artikulo 4 | Force Majeure

Kalamidat òf krisis nashonal ta situashon nan imprevisto ku por tin konsekuensia kruel pa nos pais i tambe tur persona enbolbi den e organisashon.

Diferente kalamidat nan i krisis nashonal por presenta nan mes den diferente forma, inkluiendo: COVID-19 (coronavirus), otro pandemia, orkan, inundamentu, tsunami, twister, problema ku awa i koriente, i muchu mas.



Den kaso un kalamidat òf krisis presenta su mes durante preparashon di òf durante di parada nan di karnaval, gobiernu di Kòrsou tin un departamentu di kalamidat i krisis ku lo disidi i stipula kiko e proseso lo bira. Ta posibel ku esaki ta inklui e kanselashon di Karnaval.

Den kaso raro ku esaki sosode, tene kuenta ku lo siguiente:

- Den kaso di un kalamidat òf krisis nashonal, CK lo no duna sèn bek na miembro nan. E motibu pa esaki ta ku varios gastu a keda hasí kaba den preparashon pa karnaval.
- CK lo tene e sen di kada miembro komo un kredito ku por keda huzá atrobe na momento ku karnaval sigui. E pago nan risibí lo keda valido pa un año despues di e krisis i òf kalamidat.
- Den kaso ku un miembro tèst positivo pa COVID-19 òf kualkier otro virus ku por infekta otro, e miembro no por partisipa i tampoko risibi sèn bèk, mirando ku esaki ta fuera di nos kontròl.

Artikulo 5 | Miembro Internashonal

CK ta asepta un máksimo di 100 partisipante internashonal basá riba “first come, first service”. Kualkier persona ku no ta un residente aktualmente na kòrsou, ta keda konsiderá un miembro internashonal.

Miembro nan internashonal mester ta na Kòrsou un minimo di 14 dia promé ku marcha, pa asina nos por hasi e último ahuste nan na kada trahe. Si e miembro no yega dentro di e periodo stipulá, A'legria ni CK no ta para responsabel pa e ahuste nan nesesario, i no por garantisá ku esaki ta keda kla na tempu. Den e kaso aki, e miembro mes mester regla su ahuste nan. Tur otro regla stipulá den artikulo 1 te ku 5 ta konta pa miembro internashonal tambe.

Na momento ku bo registra komo miembro di A'legria i CK, bo ta automatikamente bai di akuerdo ku e termino nan stipula den e kontrato aki, i ta konfirmá ku bo a kompronde e termino nan i kondishon nan den artikulo 1 te ku 5 di e dokumento aki.